

EPISTOLA
B. IOANNIS APOSTOLI

PRIMA

QUO tempore & loco data sit hac Epistola valde incertum est, nec multum refert ut sciat. Illud certum semper antiquis fuit, eam esse Ioannis Apostoli & Evangelista, quod & stylus ipse & character proprius satis indicat; & tam crebra CHARITATIS ac VERITATIS inculcatio. Ad Parthos missam veterum est traditio, quorum imperium aequatur, ut ex Iustino, Plinio, ac Tertulliano videre est. In his autem & vicinis regionibus, plurimi erant Iudei ex antiqua captivitate & dispersione; quorum etiam mentio fit Act. 2. Itaque ut Petrus scripsit ad Iudeos dispersionis Ponti & vicinarum regionum quas Lucas ibidem commemorat: sic Ioannes ad Iudeos in Parthia & aliis Orientis regionibus constitutos hanc Epistolam dedisse videtur. Versatur autem potissimum in instruenda Christi Domini vera Oeconomia & precipuis fidei nostrae documentis tradendis.

CAPUT PRIMUM.

De Incarnatione Verbi. De luce & tenebris. Nullum esse sine peccato; sed sanguis Iesu Christi mundat nos.

Quod fuit ab initio, quod audivimus, quod vidimus oculis nostris, quod perpeximus, & manus nostrae contrectaverunt de verbo vitae:

2. & vita manifestata est, & vidimus, & testamur, & annunciamus vobis vitam aeternam, quae erat apud Patrem, & apparuit nobis:

3. quod vidimus & audivimus, annunciamus vobis, ut & vos societatem habeatis nobiscum, & societas nostra sit cum Patre, & cum Filio eius Iesu Christo.

4. Et haec scribimus vobis ut gaudeatis, & gaudium vestrum sit plenum.

5. Et haec est annunciatio, quam audivimus ab eo, & annunciamus vobis:

* Ioann. 8. 12. Quoniam Deus lux est, & tenebrae in eo non sunt ullae.

6. Si dixerimus quoniam societatem habemus cum eo, & in tenebris ambulamus, mentimur, & veritatem non facimus.

* Hebr. 9. 14. 1. Petr. 1. 19. Apoc. 1. 5. * 3. Reg. 8. 46. 2. Par. 6. 36. Prov. 20. 9. Eccl. 7. 21. 7. Si autem in luce ambulamus sicut & ipse est in luce, societatem habemus ad invicem, & sanguis Iesu Christi, Filij eius, emundat nos ab omni peccato.

8. * Si dixerimus quoniam peccatum non habemus, ipsi nos seducimus, & veritas in nobis non est.

9. Si confiteamur peccata nostra: fidelis est, & iustus, ut remittat nobis peccata

nostra, & emundet nos ab omni iniquitate.

10. Si dixerimus quoniam non peccavimus: mendacem facimus eum, & verbum eius non est in nobis.

CAPUT II.

Abstinendum a peccatis. Iesus Christus est propitiatio pro peccatis totius mundi. Qui mundum diligit, Deum non diligit. Multi Anti-Christi Anti-Christum praecedent.

1. Filij mei, haec scribo vobis, ut non peccetis. Sed & si quis peccaverit, advocatum habemus apud Patrem, Iesum Christum iustum:

2. & ipse est propitiatio pro peccatis nostris: non pro nostris autem tantum, sed etiam pro totius mundi.

3. Et in hoc scimus quoniam cognovimus eum, si mandata eius observemus.

4. Qui dicit se nosse eum, & mandata eius non custodit, mendax est, & in hoc veritas non est.

5. Qui autem servat verbum eius, verum in hoc charitas Dei perfecta est: & in hoc scimus quoniam in ipso sumus.

6. Qui dicit se in ipso manere, debet, sicut ille ambulavit, & ipse ambulare.

7. Charissimi, non mandatum novum scribo vobis, sed mandatum vetus, quod habuistis ab initio: Mandatum vetus est verbum, quod audistis.

8. * Iterum mandatum novum scribo vobis, quod verum est & in ipso, & in vobis: quia tenebrae transierunt, & verum lumen iam lucet.

9. Qui

9. Qui dicit se in luce esse, & fratrem suum odit, in tenebris est usque adhuc.

* Infr. 3. 14. 10. * Qui diligit fratrem suum, in lumine manet, & scandalum in eo non est.

11. Qui autem odit fratrem suum, in tenebris est, & in tenebris ambulat, & nescit quod eat: quia tenebrae obcaevaverunt oculos eius.

12. Scribo vobis, filij, quoniam remittuntur vobis peccata propter nomen eius.

13. Scribo vobis patres, quoniam cognovistis eum, qui ab initio est. Scribo vobis adulescentes, quoniam vicistis malignum.

14. Scribo vobis infantes, quoniam cognovistis patrem. Scribo vobis iuvenes, quoniam fortes estis, & verbum Dei manet in vobis, & vicistis malignum.

15. Nolite diligere mundum, neque ea, quae in mundo sunt. Si quis diligit mundum, non est charitas Patris in eo:

16. quoniam omne, quod est in mundo, concupiscentia carnis est, & concupiscentia oculorum, & superbia vitae: quae non est ex Patre, sed ex mundo est.

17. Et mundus transit, & concupiscentia eius. Qui autem facit voluntatem Dei, manet in aeternum.

18. Filij, novissima hora est: & sicut audistis quia Antichristus venit: & nunc Antichristi multi facti sunt; unde scimus, quia novissima hora est.

19. Ex nobis prodierunt, sed non erant ex nobis. nam, si fuissent ex nobis, permansissent utique nobiscum: sed ut manifesti sint quoniam non sunt omnes ex nobis.

20. Sed vos unctionem habetis a Sancto, & nostis omnia.

21. Non scripsi vobis quasi ignorantibus veritatem, sed quasi scientibus eam: & quoniam omne mendacium ex veritate non est.

22. Quis est mendax, nisi is, qui negat quoniam Iesus est Christus? Hic est Antichristus, qui negat Patrem, & Filium.

23. Omnis, qui negat Filium, nec Patrem habet. qui confitetur Filium, & Patrem habet.

24. Vos quod audistis ab initio, in vobis permaneat: si in vobis permanserit quod audistis ab initio, & vos in Filio, & Patre manebitis.

25. Et haec est repromissio, quam ipse pollicitus est nobis, vitam aeternam.

26. Haec scripsi vobis de his, qui seducunt vos.

27. Et vos unctionem, quam accepistis ab eo, maneat in vobis. Et non necesse habetis ut aliquis doceat vos: sed sicut unctio eius docet vos de omnibus, & verum est, & non est mendacium. Et sicut docuit vos: manete in eo.

28. Et nunc filij manete in eo: ut cum apparuerit, habeamus fiduciam, & non confundamur ab eo in adventu eius.

29. Si scitis quoniam iustus est, scitote quoniam & omnis, qui facit iustitiam, ex ipso natus est.

CAPUT III.

Felix illa natiuitas per Baptismum, qua filij Dei nominamur & sumus. Qui non diligit, manet in morte: diligendum verum, & operibus, non verbo tantum.

1. Videte qualem charitatem dedit nobis Pater, ut filij Dei nominemur & sumus. Propter hoc mundus non novit nos: quia non novit eum.

2. Charissimi, nunc filij Dei sumus: & nondum apparuit quid erimus. Scimus quoniam cum apparuerit, similes ei erimus: quoniam videbimus eum sicuti est.

3. Et omnis, qui habet hanc spem in eo, sanctificat se, sicut & ille sanctus est.

4. Omnis, qui facit peccatum, & iniquitatem facit: & peccatum est iniquitas.

5. Et scitis quia ille apparuit ut peccata nostra tollerent: & peccatum in eo non est.

6. Omnis, qui in eo manet, non peccat: & omnis, qui peccat, non vidit eum, nec cognovit eum.

7. Filij, nemo vos seducat. Qui facit iustitiam, iustus est: sicut & ille iustus est.

8. * Qui facit peccatum, ex diabolo est: quoniam ab initio diabolus peccat. In hoc apparuit Filius Dei, ut dissolvat opera diaboli.

9. Omnis, qui natus est ex Deo, peccatum non facit: quoniam semen ipsius in eo manet, & non potest peccare, quoniam ex Deo natus est.

10. In hoc manifesti sunt Filij Dei, & filij diaboli. Omnis qui non est iustus, non est ex Deo, & qui non diligit fratrem suum:

11. quoniam haec est annunciatio, quam audistis ab initio, * ut diligatis alterutrum.

12. Non sicut * Cain, qui ex maligno erat, & occidit fratrem suum. Et propter

liiii 3 quid

quid occidit eum? Quoniam opera eius maligna erant: fratris autem eius, iusta.

† DOM. 2. POST PENTEC.

QUAE EST IN FRA OCTAV. CORP. CHRISTI.

* Lev. 19. 17.

Sup. 2. 10. & 11.

* Ioan. 15. 13.

* Luce 3. 11.

Iac. 2. 15.

13. † Nolite mirari fratres, si odit vos mundus.

14. Nos scimus quoniam translatus sumus de morte ad vitam, quoniam diligimus fratres. * Qui non diligit, manet in morte:

15. omnis, qui odit fratrem suum, homicida est. Et scitis quoniam omnis homicida non habet vitam aeternam in semetipso manentem.

16. * In hoc cognovimus charitatem Dei, quoniam ille animam suam pro nobis posuit: & nos debemus pro fratribus animas ponere.

17. * Qui habuerit substantiam huius mundi, & viderit fratrem suum necessitatem habere, & clauserit viscera sua ab eo: quomodo charitas Dei manet in eo?

18. Filii mei, non diligamus verbo, neque lingua, sed opere & veritate. *

19. in hoc cognoscimus quoniam ex veritate sumus: & in conspectu eius suadebimus corda nostra.

20. Quoniam si reprehenderit nos cor nostrum: maior est Deus corde nostro, & novit omnia.

21. Charissimi, si cor nostrum non reprehenderit nos, fiduciam habemus ad Deum:

* Matth. 21. 22.

22. * & quidquid petierimus, accipiemus ab eo: quoniam mandata eius custodimus, & ea, quae sunt placita coram eo, facimus.

* Ioan. 6. 29. & 17. 3.

* Ioan. 13. 34. & 15. 12.

23. * Et hoc est mandatum eius: Ut credamus in nomine Filii eius Iesu Christi: & diligamus alterutrum, sicut dedit mandatum nobis.

24. Et qui servat mandata eius, in illo manet, & ipse in eo: & in hoc scimus quoniam manet in nobis de Spiritu, quem dedit nobis.

CAPUT IV.

Cum primis Ecclesiae temporibus multi se in Christi nomine venire, ac se spiritu Dei afflatos iactarent, Apostolus fideles admonet, ut probent spiritus, utrum ex Deo sint; atque ex duobus indicibus spiritum Dei cognosci posse docet.

1. **C**harissimi, nolite omni spiritui credere, sed probate spiritus si ex Deo sint: quoniam multi pseudoprophetae exierunt in mundum.

2. in hoc cognoscitur spiritus Dei: omnis spiritus qui constitetur Iesum Christum in carne venisse, ex Deo est:

3. & omnis spiritus, qui solvit Iesum, ex Deo non est, & hic est Antichristus, de quo audistis quoniam venit, & nunc iam in mundo est.

4. Vos ex Deo estis filii, & vicistis eum, quoniam maior est qui in vobis est, quam qui in mundo.

5. * Ipsi de mundo sunt: ideò de mundo loquuntur, & mundus eos audit. * Ioan. 8. 47.

6. Nos ex Deo sumus. Qui novit Deum, audit nos: qui non est ex Deo, non audit nos: in hoc cognoscimus spiritum veritatis, & spiritum erroris.

7. Charissimi, diligamus nos invicem: quia charitas ex Deo est. Et omnis, qui diligit, ex Deo natus est, & cognoscit Deum.

8. Qui non diligit, non novit Deum: quoniam † Deus charitas est.

9. * In hoc apparuit charitas Dei in nobis, quoniam Filium suum unigenitum misit Deus in mundum, ut vivamus per eum.

10. In hoc est charitas: non quasi nos dilexerimus Deum, sed quoniam ipse prior dilexit nos, & misit Filium suum propitiationem pro peccatis nostris.

11. Charissimi, si sic Deus dilexit nos: & nos debemus alterutrum diligere.

12. * Deum nemo vidit unquam. Si diligamus invicem, Deus in nobis manet, & charitas eius in nobis perfecta est. * Ioan. 1. 18. 1. Tim. 6. 16.

13. In hoc cognoscimus quoniam in eo manemus, & ipse in nobis: quoniam de Spiritu suo dedit nobis.

14. Et nos vidimus, & testificamur quoniam Pater misit Filium suum Salvatorem mundi.

15. Quisquis confessus fuerit quoniam Iesus est Filius Dei, Deus in eo manet, & ipse in Deo.

16. Et nos cognovimus, & credidimus charitati, quam habet Deus in nobis. Deus Charitas est: & qui manet in charitate, in Deo manet, & Deus in eo.

17. In hoc perfecta est charitas Dei nobiscum, ut fiduciam habeamus in die iudicii: quia sicut ille est, & nos sumus in hoc mundo.

18. Timor non est in charitate: sed perfecta charitas foras mittit timorem, quoniam timor poenam habet. qui autem timet, non est perfectus in charitate.

19. Nos ergo diligamus Deum, quoniam Deus prior dilexit nos.

20. Si

20. Si quis dixerit quoniam diligo Deum, & fratrem suum oderit, mendax est. Qui enim non diligit fratrem suum quem videt, Deum, quem non videt, quomodo potest diligere?

* Ioan. 13. 34. & 15. 12. Ephes. 5. 2.

21. * Et hoc mandatum habemus a Deo: ut qui diligit Deum, diligit & fratrem suum. *

CAPUT V.

Ioannes in hoc capite divinitatem Christi, & mysterium incarnationis sic adstruit, ut ad id quod maxime ipsi cordi est, amorem scilicet Dei, & proximi, de quo ante differerat, identidem digrediatur.

1. **O**mnis, qui credit, quoniam Iesus est Christus, ex Deo natus est. Et omnis, qui diligit eum qui genuit, diligit & eum qui natus est ex eo.

2. In hoc cognoscimus quoniam diligimus natos Dei, cum Deum diligamus, & mandata eius faciamus.

3. Hae enim charitas Dei, ut mandata eius custodiamus: & mandata eius gravia non sunt.

† DOM. IN ALBIS. 4. Quoniam † omne, quod natum est ex Deo, vincit mundum: & haec est victoria, quae vincit mundum, fides nostra.

* 1. Cor. 15. 57. 5. * Quis est, qui vincit mundum, nisi qui credit quoniam Iesus est filius Dei?

6. hic est, qui venit per aquam & sanguinem, Iesus Christus: non in aqua solum, sed in aqua & sanguine. Et spiritus est, qui testificatur, quoniam Christus est veritas.

7. Quoniam tres sunt, qui testimonium dant in caelo: Pater, Verbum, & Spiritus sanctus: & hi tres unum sunt.

8. Et tres sunt, qui testimonium dant in terra: Spiritus, & aqua, & sanguis: & hi tres unum sunt.

9. Si testimonium hominum accipimus, testimonium Dei maius est: quoniam hoc est testimonium Dei, quod maius est, quoniam testificatus est de Filio suo.

10. Qui credit in filium Dei, habet testimonium Dei in se. * Qui non credit Filio, mendacem facit eum: quia non credit in testimonium quod testificatus est Deus de Filio suo. * Ioan. 3. 36.

11. Et hoc est testimonium, quoniam vitam aeternam dedit nobis Deus. Et haec vita in Filio eius est.

12. Qui habet Filium, habet vitam: qui non habet Filium, vitam non habet.

13. Hae scribo vobis: ut sciatis quoniam vitam habetis aeternam, qui creditis in nomine Filii Dei.

14. Et haec est fiducia, quam habemus ad eum: Quia quodcumque petierimus: secundum voluntatem eius, audit nos.

15. Et scimus quia audit nos quidquid petierimus: scimus quoniam habemus petitiones quas postulamus ab eo.

16. Qui scit fratrem suum peccare peccatum non ad mortem, petat, & dabitur ei vita peccanti non ad mortem. Est peccatum ad mortem: non pro illo dico ut roget quis.

17. Omnis iniquitas, peccatum est: & est peccatum ad mortem.

18. Scimus quia omnis, qui natus est ex Deo, non peccat: sed generatio Dei conservat eum, & malignus non tangit eum.

19. Scimus quoniam ex Deo sumus: & mundus totus in maligno positus est.

20. Et scimus quoniam Filius Dei venit, & dedit nobis sensum ut cognoscamus verum Deum, & simus in vero Filio eius. Hic est verus Deus, & vita aeterna. * Luc. 24. 45.

21. Filii, custodite vos a simulacris. Amen.